



CHIESA EVANGELICA RIFORMATA
GRIGIONESE
BASEL GIA EVANGELICA REFURMADA
DAL GRISCHUN
EVANGELISCH-REFORMIERTE
LANDESKIRCHE GRAUBÜNDEN
LOËSTRASSE 60, 7000 CHUR
TEL. 081 - 257 11 00, FAX 081 - 257 11 01
E-MAIL landeskirche@gr-ref.ch
HOMEPAGE www.graubuenden-reformiert.ch

Publicaziun nr. 668

Primavaira 2015

Il Cussegl da la Baselgia evangelica preschenta als consistoris ed als colloquis las suandantas tractandas ed infurmaziuns per tractar quellas, respectivamain per orientaziun.

Cuntegn

I. Consultaziun	4
1. Revisiun parziala da l'art. 22 dal Regulativ davart la structura e la vita da la plaiv (210)	4
2. Revisiun parziala da l'art. 16 e 17 dal Regulativ davart la structura e la vita da la plaiv (210)	5
II. Communicaziuns ed enquistas dal Cussegl da baselgia	8
3. Gruppa da lavur per il giubileum da la refurma	8
4. Cumissiun da furmaziun	8
5. Cumissiun EMC dal Cussegl da baselgia	9
6. Contribuziuns vi da fusiuns da plaivs	10
7. Controlla da contracts da lavur cun reverendas e provisur(a)s	11
III. Rapports colloquials	12
8. Furmar la raspada	12
9. Provisiuns	12
10. Renovaziun da permissiuns per predicatur(a)s laic(a)s	12
11. Organisaziun da l'instrucziun da religiun 2015/2016	13
12. Visitaziuns d'archiv	14
13. Lavur en la diaspora	15
14. Moziuns, intimaziuns e propostas	15

IV. Diversas infurmaziuns	16
15. Resumaziun dals resultats dals colloquis d'atun	16
16. Elecziuns en il Cussegl grond evangelic	19
17. Occurrenzas colloquialas	20
18. Sabbatical e furmaziun	22
19. Remplazzaments	24
20. Chalender da las collectas 2015	25
21. Giubileums	25
22. Proceder tar pravendas vacantas	26
23. Sinoda 2015 en Bregaglia	26
24. Sessiuns dal Cussegl grond evangelic	26
25. Sesidas dal Cussegl da baselgia	27
26. Termins dals colloquis da primavaira 2015	27
27. Termins dals colloquis d'atun	28
28. Spediziun dals protocols colloquials	28
Agiunta (adressas)	29

I. Consultaziun

1. Revisiun parziala da l'art. 22 dal Regulativ davart la structura e la vita da la plaiv (210)

Il zercladur 2012 ha il Cussegl grond evangelic surdà l'incumbensa Lorez al Cussegl da baselgia. Quella ha duas finamiras. D'ina vart vegn il Cussegl da baselgia intimà d'adattar la basa legala da maniera che la pastoraziun ecclesiastica survegnia in'incumbensa legala en il provediment palliativ. D'otra vart ha il Cussegl da baselgia da mussar vi sin adattaziuns structuralas pussiblas, per che la pastoraziun ecclesiastica possa surpigliar in'incumbensa definida en il sector dal Palliative Care. Da quest segund punct s'occupa il concept "Palliative Care e pastoraziun en las regiuns", ch'il Cussegl da baselgia aveva preschentà als colloquis en la publicaziun nr. 667 e nua ch'el aveva giavischà da collavurar. Sin basa dals rapports or dals colloquis vegn questa part ussa sviluppada vinavant.

Cun la revisiun parziala preschenta da l'art. 22 dal regulativ 210 duai ussa vegnir realisà l'emprima part da l'incumbensa. Cun numnar "Palliative Care" en l'art. 22 èsi evident ch'i sa tracta qua er d'ina furma da pastoraziun. Ulteriuras adattaziuns structuralas en quest connex n'èn tenor l'avis dal Cussegl da baselgia betg da francar expressamain en il regulativ 210.

Questa publicaziun è il cumenzament da la consultaziun ordinaria en ils colloquis. Il sboz vegn surlavurà sin basa da las respostas dals colloquis e las discussiuns da la sinoda 2015. Suenter al suttametta il Cussegl da baselgia al Cussegl grond evangelic per la deliberaziun.

Art. 22 (pastoraziun)

¹ La pastoraziun è in'incumbensa da l'entira plaiv ed exprima la cuminanza cristiana. Ella tutga surtut tar las incumbensas dal reverenda ed dad auters collavuratur da la plaiv.

² Furmas da la pastoraziun èn visitas a chasa ed a l'ospital, visitas en chasas da tgira, discurs cun singuls u en gruppas, Palliative Care. Il reverendas suttastat al secret professional. Ses collavuratur èn obligads a la discreziun.

2. Revisiun parziala da l'art. 16 e 17 dal Regulativ davart la structura e la vita da la plaiv (210)

La formulaziun en vigur davart l'instrucziun da religiun e da confirmands dal regulativ 210 na tegna anc betg quint dals midaments da la lescha da scola chantunala – surtut betg da las consequenzas dal model 1+1. Suentar la votaziun dal pievel èn quellas vegnidas tematisadas ed elavuradas en la baselgia chantunala. Il Cussegl da baselgia ha lura en connex cun "Furmar la raspada" er dà recumandaziuns correspudentas a las corporaziuns. El ha dentant renunzià ad in'adattaziun da la basa legala per la nova concepziun. La discrepanza tranter la basa legala e la realitad ha en la pratica adina puspè manà a discussiuns. Perquai vul il Cussegl da baselgia prender ussa l'ocasiun ed adattar ils art. 16 e 17 dal regulativ.

Cun quai vegn meglierà la segirtad giuridica e la trasparenza. A quella mira serva er l'eliminaziun dals rapports dals magisters da religiun als colloquis. En pli vegnan las disposiziuns adattadas redacziunalmain a la terminologia da la nova lescha da scola. Ulteriurs

midaments na datti betg. Cun quai ch'i sa tracta d'ina revisiun parziala vegn renunzià conscientamain da formular l'artitgel surlavurà en lingia inclusiva, perquai che uschiglio na fiss l'entir artitgel betg pli omogen en quel regard. Tar ina revisiun totala vegn dentant prendì resguard sin quai.

Questa publicaziun è il cumenzament da la consultaziun ordinaria en ils colloquis. Il sboz vegn surlavurà sin basa da las respostas dals colloquis e las discussiuns da la sinoda 2015. Suentar al suttametta il Cussegl da baselgia al Cussegl grond evangelic per la deliberaziun.

Art. 16 (instrucziun da religiun)

¹ L'instrucziun ha da promover l'encletga da texts biblics e da furmas da viver cristianas.

² Sin basa da las prescripziuns chantunals vegn ella dada en il rom da la scola publica e vegn survegliada dal consistori.

³ Las lecziuns emnilas sa drizzan suenter ils plans d'instrucziun chantunals. Il cuntegn sa drizza suenter ils plans da materias da la baselgia chantunala.

⁴ Quant ch'igl è pussibel instruescha il reverenda sez. En consentiment cun il reverenda procura il consistori per ulteriuras persunas ch'instrueschan (~~magister da classa,~~ auters magisters, catechetas).

⁵ Il consistori fa visita en scola e s'orientescha davart l'instrucziun da religiun.

⁶ Fin al cumenzament d'in onn da scola sto il consistori orientar il Cussegl da baselgia davart l'organisaziun da l'instrucziun. ~~A la fin da l'onn da scola han tuts che~~

~~instrueschan religiun da rapportar a lur colloqui davart l'instrucziun dada. Il commember dal consistori cun il departament "scola" controlla quels rapports ed als visescha, avant ch'els vegnan manads vinavant al colloqui.~~

Art. 17 (instrucziun da confirmands)

¹ L'instrucziun da confirmands è in'Instrucziun ecclesiastica. Sia mira è d'encuraschar ils giuvenils en la cretta e d'als introducir en la vita da la raspada cristiana.

² Ils giuvenils visitan l'instrucziun da confirmands en la perioda dal 7-avel enfin il 9-avel onn da scola per regla durant il 9-avel onn da scola. L'admissiun a l'instrucziun pretenda la participaziun regulara a l'instrucziun da religiun. Il consistori po admetter excepziuns motivadas.

³ L'instrucziun cumpiglia silmain 72 lecziuns. ~~Ella po vegnir manada en dus onns sco instrucziun da preparands e da confirmands u en in onn sco instrucziun da confirmands.~~ Sch'il consistori è d'accord po ina part da l'instrucziun da confirmands vegnir manada en furma da champ u da ~~eurs~~ project.

Durant il temp da l'instrucziun da confirmands visitan ils confirmands ils cults divins tenor reglament local.

II. Communicaziuns ed enquistas dal Cussegl da baselgia

3. Gruppa da lavur per il giubileum da la refurma

Per ils 1. da schaner 2015 ha il Cussegl da baselgia nominà ina gruppa da lavur che planisescha, coordinescha ed evaluescha projects ed occurrenzas per il giubileum da 500 onns refurma en il Grischun. Questa gruppa da lavur prenda si impuls da la Federaziun da las baselgias svizras e lavura ensemen cun partenaris locals e regionalis. Il Cussegl da baselgia ha elegì: rev. Jan-Andrea Bernhard (Castrisch), rev. Alfred Enz (Chur), rev. Hans-Peter Schreich (Valchava), il manader/la manadra dal post «Baselgia e turissem» e rev. Miriam Neubert (Tamins).

Il Cussegl da baselgia vegn ad infurmar regularmain davart ils projects planisads ed ad envidar a la participaziun.

4. Cumissiun da furmaziun

Per ils 1. da schaner 2015 ha il Cussegl da baselgia deliberà il reglament per ina cumissiun da 5-7 commembers. Ils commembers vegn el a nominar al cumenzament da l'onn 2015. La cumissiun cusseglia, accompogna e sustegna ils posts spezialisads da la baselgia chantunala ch'èn incumbensads cun la lavur en ils secturs da "Furmar la raspada" e l'instrucziun da religiun en scola.

5. Cumissiun EMC dal Cussegl da baselgia

La veglia cumissiun EMC dals colloquis è vegnida schliada per ils 31 da december 2014. Dapi ils 1. da schaner 2015 vegn quella manada sco cumissiun dal Cussegl da baselgia. Ella ha autras prioritads sco la cumissiun da fin qua. En pli vegn la funcziun dal post EMC dadens la cumissiun precisada e sclerida tras ina formulaziun adeguata.

La cumissiun accumpogna e sustegna il post da l'EMC. En incumbensa dal Cussegl da baselgia e per mauns da quel elavurescha ella projects e realisescha quels. Ella accumplescha ulteriurs duairs ch'il Cussegl da baselgia la surdat. La formulaziun cumplet nova correspunda a la situaziun actuala ed a las cundiziuns generalas sco er al character d'ina cumissiun dal Cussegl da baselgia.

Il Cussegl da baselgia ha elegì per quatter onns en questa cumissiun EMC: rev. Alfred Enz (Chur), rev. Gabriela Palm (Churwalden), rev. Ruth Schäfer (Scharans) e Hermann Thom (Susch). En pli ha il Cussegl da baselgia delegà cussegliera Barbara Hirsbrunner ch'el ha nominà sco presidenta. Rahel Marugg (post "Furmar la raspada" 3) fa part cun vusch consultativa.

Il Cussegl da baselgia è persvas da rinforzar cun questa nova structura er l'impurtanza da la cumissiun EMC en vista a la baselgia universal.

Il reglament per questa cumissiun per ecumena, missiun e collavuraziun al svilup (EMC) chattan ins sut il nr. 647 da la collecziun da leschas actuala sin la website (adressa en l'aggiunta).

6. Contribuziuns vi da fusiuns da plaivs

En il chantun Grischun n'è betg be la cuntrada politica en moviment, mabain er quella ecclesiastica. En ils ultims onns è sa reducida cuntinuantamain il dumber da las corporaziuns evangelicas refurmadas, e quai tras fusiuns. Il Cussegl da baselgia salida quest svilup ed al sustegna tenor sias pussibilitads. Perquai che la preparaziun d'ina fusiun è per las corporaziuns partecipadas colliada cun dapli lavur (p.ex. sesidas supplementaras, accumpagnament e cussegliaziun externa), duai la Cassa da baselgia chantunala sa participar cun ina pauschala unica vi dals custs extraordinaris da las corporaziuns. Tenor l'avis dal Cussegl da baselgia duai quai esser in import da CHF 2'000.- per mintga corporaziun. Il Cussegl grond evangelic ha approvà ina posiziun relativa en il budget 2015.

Ussa ha il Cussegl da baselgia da decretar las disposiziuns executivas. Il proceder s'orientescha vi dal reglament per la cumissiun da finanzas dal Cussegl da baselgia nr. 812. La cumissiun da finanzas examinescha dumondas en scrit da las corporaziuns per ina tala contribuziun extraordinaria vi da la fusiun. Sur da la contribuziun decida en mintga cas il Cussegl da baselgia. In dretg da contribuziun han fusiuns che vegnan decisas suenter 1. da schaner 2015. Decisiv è la decisiun definitiva e betg ina votaziun da princip u consultativa. Perquai ch'i sa tracta d'ina contribuziun unica, vegnan anteriuras contribuziuns da la cassa chantunala en quest connex inquietadas, v.d. anteriuras contribuziuns vegnan deducidas da l'import total.

7. Controlla da contracts da lavur cun reverendas e provisur(a)s

Sin basa la l'art. 26 al. 3 dal Regulativ davart la structura e la vita da la plaiv (210), resp. art.5 dal Regulativ davart la permissiun al servetsch pastoral (910) examinescha resp. approvescha il Cussegl da baselgia ils contracts da lavur cun reverendas e provisurs. La controlla da tals contracts signifitga ina gronda lavur per l'administraziun, perquai ch'ella sto chattar eventualas variantas dals contracts da model da la baselgia chantunala. Il proceder è pauc effizient ed er problematic sch'igl è avant maun in contract gia suttascrit che na correspunda betg al dretg surordinà. Perquai examinescha il Cussegl da baselgia da midar il proceder d'examinar ils contracts da lavur.

Per tut las parts pudessi esser meglier sche l'administraziun da la baselgia chantunala elavurass in sboz da contract tenor las indicaziuns da la plaiv areguard persuna, pensum, paja ed ulteriuras determinaziuns, e sch'ella suttamettess quel a la plaiv per l'examinaziun. Il contract curregì po lura vegnir suttascrit ed inoltrà a l'approvaziun resp. per l'orientaziun. Ina tala soluziun sa lascha realisar cun las resursas persunalas actualas. Questa "midada dal sistem" n'excluda betg auters contracts che sa refereschan per gronda part vi da las ordinaziuns legalas e reglamentaras.

Il Cussegl da baselgia supplitgescha ils colloquis da rapportar lur avis areguard quests midaments previs dal proceder.

III. Rapports colloquials

8. Furmar la raspada

Questa tractanda serva al barat davart projects planisads u realisads en il rom da "Furmar la raspada" en las plaivs dal colloqui. Quests projects ston vegnir conuschents sur l'atgna plaiv ora.

9. Provisiuns

Corporaziuns che han prolungà in engaschament provisoric u che han stgaffi in tal, preschantan al colloqui in rapport en scrit davart questa provisiun. Il rapport va ensemen cun il protocol colloquial al Cussegl da baselgia (guarda constituziun da la baselgia 100 art. 21, cifra 6).

10. Renovaziun da permissiuns per predicatur(a)s laic(a)s

En il "Reglament davart la permissiun al servetsch pastoral en il Grischun" (910) vegn reglà en art. 13 il surpigliar da tscherts servetschs uffizials tras laics resp. laicas. Sco cumplettaziun da l'art. 13 ha il Cussegl da baselgia decretà l'urden 910A.

Il Cussegl da baselgia dat la permissiun a predicaturs laics, resp. predicaturas laicas, sch'ina plaiv propona in/-a da ses commembers e sch'il colloqui decida tras scrutini da surdar la proposta al Cussegl da baselgia. Avant la votaziun han ils candidats resp. las candidatas da sa preschentar al colloqui

cun in curs da la vita. La nominaziun tras il Cussegl da baselgia vala per quatter onns.

Il Cussegl da baselgia sto consultar il colloqui avant che renovar la permissiun. Perquai dovra il Cussegl da baselgia en il protocol la posiziun dals colloquis pertutgants, per pudair renovar las suandantas permissiuns per predicaturs laics. La renovaziun succeda en la tschentada da fanadur dal Cussegl da baselgia.

Coll. IX: Alex Schaub, Serneus

Coll. X: Martha Wellauer, Davos Platz

11. Organisaziun da l'instrucziun da religiun 2015/2016

Ils colloquis surveglian e coordineschan l'instrucziun da religiun en las plaivs.

Per ch'ils colloquis possian ademplir lur incumbensa, èsi d'infurmar els a temp davart eventualas difficultads ch'i dat en las plaivs cun observar las ordinaziuns legalas.

Il Cussegl da baselgia supplitgescha perquai ils colloquis da dumandar ses commembers en occasiun da la sesida da primavaira, sch'i dat en las plaivs difficultads areguard l'instrucziun da religiun dal proxim onn scolastic. Plaivs cun talas difficultads èsi d'infurmar davart l'agid che la baselgia chantunala porscha cun il post spezialisà per l'instrucziun da religiun (adressa en l'aggiunta). D'otra vart vegn la manadra dal post spezialisà infurmà da la situaziun tras il protocol. Ella po prender si contact cun ils responsabels da las plaivs, per ch'ils problems possian vegnir schliads sin il cumenzament dal nov onn da scola.

Il Cussegl da baselgia tira endament ch'en tut las scolas èsi d'observar ils reglaments legals per dar l'instrucziun da religiun.

Sche plaivs tschertgan anc catechet(a)s per l'onn da scola 2015/16, renda il Cussegl da baselgia attent a la bursa da plazzas d'instrucziun da religiun sin la homepage da la baselgia chantunala (www.gr-ref.ch/stellenbörse).

En il rom da la realisaziun dal model 1+1 sin il stgalim aut ha mintga baselgia chantunala fatg in'atgna evaluaziun. (rapport sut gr-ref.ch/evaluation). Ins ha constatà che diversas plaivs dattan l'instrucziun da religiun alternond cun l'etica en lecziuns dublas. Perquai che questa soluziun è sa verifitgada, recumonda Il Cussegl da baselgia quest model a las plaivs.

12. Visitaziuns d'archiv

Tar mintga midada en la pravenda èsi da far ina *visitaziun d'archivs extraordinaria* da la part da la pravenda da l'archiv. Quella vegn fatga d'in commember da la cumissiun d'archivs da la baselgia chantunala.

Il Cussegl da baselgia supplitgescha las suprastanzas dals colloquis dad esser attentas ch'il president da la cumissiun d'archivs, rev. Kurt Bosshard, vegnia infurmà, *avant che in u ina reverenda u provisur(a) fa midada* (adressa en l'aggiunta). La plaiv paja la visitaziun tenor reglament 821.

Tenor l'art. 6 dal reglament per drizzar en e manar ils archiv da la plaiv decretescha Il Cussegl da baselgia mintga tschintg onns ina *visitaziun ordinaria* da tut ils archiv (part da la pravenda e part da la plaiv). Ina tala

datti puspè l'onn 2015. Ils colloquis èn la primavaira 2014 vegnids incumbensads d'organisar la visitaziun. Il Cussegl da baselgia supplitgescha ils consistoris da procurar a temp ch'i saja avant maun a la visitaziun in register d'archiv cumplet (register dal cuntegn).

13. Lavur en la diaspora

Tenor art. 8 dal "Reglament davart la commembranza ecclesiastica da concretaivels evangelics en vischnancas politicas senza plaiv evangelica (reglament per las diasporas)" han ils / las reverendas da plaivs cun incumbensas en diasporas da rapportar al colloqui da primavaira sur da lur lavur en la diaspora. Ina copia da mintga rapport va al Cussegl da baselgia per mauns da la suprastanza da l'Uniun protestanta grischuna per agids ecclesiastics.

14. Moziuns, intimaziuns e propostas

Il colloqui po tenor art. 21 cif. 3 da la constituziun da la Baselia evangelica reformada dal Grischun surdar moziuns, intimaziuns e propostas al Cussegl da baselgia. Singuls colloquials na pon inoltrar naginas moziuns, intimaziuns e propostas. Quai po be capitar tras il colloqui.

I sto esser evident, sch'i sa tracta d'ina *moziun*, d'ina *intimaziun* u d'ina *proposta*:

- Sch'ina *moziun* vegn acceptada ha quai per consequenza la midada d'ina lescha.

- Ina *proposta* è in'idea concreta ed elavurada. Ella formulescha finamiras e mesiras pussiblas.
- Ina *intimaziun* è in'idea, tge che pudess vegnir fatg en in tschert sector.

Tar tut las moziuns, intimaziuns u propostas d'in colloqui sto vegnir nudà il resultat precis da las votaziuns.

Sch'il Cussegl da baselgia accepta *moziuns*, vegnan quellas suttamessas als colloquis ed a la sinoda per la consultaziun. Suentar vegnan questas tractadas definitivamain dal Cussegl grond evangelic. Moziuns acceptadas han per consequenza ina midada da la lescha. Sch'il Cussegl da baselgia refusa moziuns, motivescha el quai en il rapport uffizial.

Sch'il Cussegl da baselgia accepta *intimaziuns* e *propostas*, ha el la pussibilità da vegnir sez activ en il senn da quellas. Sch'il Cussegl da baselgia refusa intimaziuns e propostas, motivescha el quai en il rapport uffizial.

IV. Diversas infurmaziuns

15. Resumaziun dals resultats dals colloquis d'atun

Per infurmar tut ils colloquials vegn preschentà qua ina resumaziun da las discussiuns e da las decisiuns concernent las tractandas, sco er da las moziuns, propostas ed intimaziuns al Cussegl da baselgia dals colloquis da primavaira.

Decret d'ina lescha e d'in regulativ davart las finanzas da la Cassa da la baselgia evangelica chantunala e da las corporaziuns

Tant vinavant ch'i resulta dals protocols tractan tut ils colloquis il sboz per la lescha da finanzas en maniera constructiva e bainvulenta. En las discussiuns vai surtut per ils temas sequents. Tar diversas dumondas da detagl vegn dumandà scleriment tras il Cussegl da baselgia, e singuls inoltreschan moziuns:

- I dat intschertezzas tar las noziuns "revisurs", "post da revisiun", "revisurat" e "cumissiun da controlla da gestiun". Questas noziuns ha il Cussegl da baselgia da definir pli precis. Ins ha tema da duplicitads, resp. refusa quellas.
- L'introducziun da la lescha da finanzas signifitga per las plaivs lavur supplementara e custs supplementars. Perquai duai la baselgia chantunala promover l'introducziun cun cussegliaziun e furmaziun. I dovra er in temp transitoric sufficient. Insaquants pondereschan da laschar far la contabilitad da las corporaziuns en maniera centrala u tras biros fiduziaris. Quai che fa dumandar, tgi che purtass ils custs.
- Per part han ins tema ch'i daventass difficil per las corporaziuns da chattar cassiers resp. cassiera qualifitgadas.
- È la lescha da finanzas er adattada per la gestiun da corporaziuns fitg pitschnas?
- Èsi da deliberar corporaziuns independentas da la lescha da finanzas?

Facit: Tut ils colloquis sustegnan la nova lescha da finanzas da princip ed en il sforz per ina meglra trasparenza. Las dumondas da detagl concretas dals colloquis sco er las moziuns vegnan tractadas en il Cussegl da baselgia e respundidas en maniera adequata.

Concept dal Palliative Care e da la pastoraziun en las regiuns

Tuts ils colloquis èn dal medem avis ch'i saja da far insatge sin il champ da Palliative Care.

Be il colloqui V (Signuradi –Tschintg vitgs) sa declera betg Abel da far insatge sin basa colloquiala. Las plaivs e las structuradas existentas sajan dentant da rinforzar e da schlargiar. El renviescha la fatschenta al Cussegl da baselgia. Quel duai "rinforzar la colliaziun e la percepziun publica da la lavur pastorala sin il champ da Palliative Care".

Tut ils auters colloquis vegnan a constituer gruppas da lavur. Quellas duain en divers colloquis examinar pli profundamain las dumondas dal Cussegl da baselgia per pudair discutir da nov questa tematica en occasiun dal colloqui da primavaira. En auters colloquis ha quella gruppa da lavur l'incumbensa d'elavurar in agen concept e da preschentar quel al colloqui da primavaira per pudair uschia survegnir ils CHF 10'000.– proponids.

Il Cussegl da baselgia ha survegnì la sequenta intimaziun:

Il colloqui VI giavischa dapli sustegn da vart da la baselgia chantunala areguard l'obligaziun da l'instrucziun da religiun en scola. Quella duai vegnir dapli er en ils temps da bloc. Er areguard viadis cun ils confirmands vegn dumandà urgentamain sustegn visavi a las scolas, perquai che las

scolas han en il passà adina dapli refusà da dar liber als confirmands per da quels viadis.

16. Elecziuns en il Cussegl grond evangelic

Tenor l'art. 20 da la constituziun da nosssa baselgia tutgan al colloqui ils sinodals che abitan en il territori colloquial, ils commembers dal Cussegl grond evangelic sco er ils represchentants da las plaivs. Tar las incumbensas dal colloqui tutga tranter auter l'elecziun da represchentants dal colloqui en il Cussegl grond evangelic. A quel fan part tenor art. 25 da la constituziun tranter auter 60 represchentants ch'ils colloquis elegian or da lur ravugl.

"Or da lur ravugl" han ins encletg enfin ussa uschia che be commembers dal colloqui possian vegnir elegids sco represchentants dal colloqui. Quai vul dir ch'ins ha be pudì eleger ils sinodals ed ils represchentants da las corporaziuns.

Pervia dal dumber da corporaziuns ferm reducì è quai daventà difficil en divers colloquis da chattar tenor quest'interpretaziun persunas avunda ch'els pudessan trametter sco represchentants dal colloqui en il Cussegl grond evangelic.

Perquai ha il presidi dal Cussegl grond evangelic – suenter scleridas giuridicas – decis da midar questa pratica sco segua: L'expressiun "or da lur ravugl" sa referescha sin tut ils commembers da las corporaziuns dal territori colloquial ch'èn ussa elegibels. Persunas che vegnan en questa maniera elegidas en il Cussegl grond evangelic èn er commembers dal colloqui.

Il presidi dal Cussegl grond evangelic è dentant da l'avis che questa midada saja d'encleger sco ina schliaziun provisorica. En prima lingia sajan d'eleger ils commembers dals colloquis che las corporaziuns han delegads en maniera ordinaria. L'elecziun indirecta en ils colloquis haja dad esser in'excepziun.

17. Occurrenzas colloquialas

Las conferenzas pastorals, las retratgas, ils arranschaments per sa scolar enavant, las festas circuitals ecclesiasticas e las sairadas colloquialas han – tenor ils protocols da l'atun 2012 enfin l'atun 2013 – tractà ils temas suandants:

Colloqui I Sur igl Uaul

- 05.11.2013: conferenza pastorala (impuls per la collavuraziun areguard refurma da structuradas en il Grischun; Di da las baselgias evangelicas en Germania 2015)
- 06.11.2013: dieta d'atun da la conferenza evangelic Gruob
- 14.01.2014: conferenza pastorala (di colloquial per confirmands, collavuraziun regionala, remplazzaments, festa districtuala a Glion)
- 18.03.2014: conferenza pastorala (indemnisaziun remplazzaments)
- 29.05.2014: festa districtuala a l'Ascensiun a Glion
- 11.06.2014: conferenza pastorala cun tschaina
- 25.08.2014: spassegiada pastorala
- 02.09.2014: conferenza pastorala (dumondas organisatoricas)

Colloqui II Schons-Avers-Val Rain-Mesauc

- regularmain conferenzas pastoralas
- diversas sesidas ed occurrenza areguard Palliative Care

Colloqui III Sut igl Uaul

- 19.02.2014: conferenza pastorala (reglament areguard coordinaziun da la pastoraziun a l'ospital da Tusaun)
- 28.05.2014: conferenza pastorala (disposiziuns executivas tar il servetsch da pichet) • 03.09.2014: conferenza pastorala (confirmaziun)
- Occurrenza colloquiala cun l'actur Carlos Martinez
- represchentaziun da la Vifa 14

Colloqui IV Cuira

- naginas comunicaziuns

Colloqui V Signuradi-Tschintg vitgs

- 26.03.2014: conferenza pastorala (pastoraziun d'umans vegls)
- 28.05.2014: conferenza pastorala (fundaziun da la Societad Pastorala Grischuna)
- 27.08.2014: conferenza pastorala (Palliative Care e pastoraziun en las regiuns, publicaziun 667)
- 19.11.2014: conferenza pastorala (eutanasia ed agid al suicidi per umans pli vegls sco dumondas eticas e problem social)

Colloqui VI Scanvetg-Churwalden

- conferenza pastorala (colloqui d'atun ed ulteriurs temas)

Colloqui VII Engiadin'Ota-Bregaglia-Poschiavo-Sursés

- Il colloqui numna divers projects da "Il Binsاون" en las differentas plaivs: cults divins spezials, notg da las baselgias avertas, sairadas da discussiun e.a.p.

Colloqui VIII Engiadina Bassa-Val Müstair

- naginas communicaziuns

Colloqui IX Partenz

- naginas communicaziuns

Colloqui X Tavau-Alvra

- naginas communicaziuns

18. Sabbatical e formaziun

Ils 1. da schaner 2015 è entrà en vigur il nov regulativ 951 davart la formaziun dals collavuratur e da las collavuraturas ecclesiasticas sco er il reglament 952 latiers.

Tuttas duas leschas pon ins consultar sin la website da la baselgia chantunala: www.gr-ref.ch/gesetzestexte. Ellas cuntengan midaments impurtants en congrual cun ils reglaments vegls:

1. Tut ils impiegads da las plaivs e da la baselgia chantunala han il duair ed er il dretg da sa scolar vinavant.
2. Tut ils impiegads ecclesiastics cun in engaschament da silmain 40 % en media en ils ultims set onns han il dretg sin in sabbatical da 7 emnas da lavur. «Il sabbatical serva a la formaziun professiunala e persunala.» (951, art. 12) I na sa sto damai betg pli attestar ils curs da scolaziun.

3. Nov è ch'ils impiegads han da sa cunvegnir cun l'istanza superiura davart la tematica da la scolaziun annuala: La data ed il cuntegn da scolaziuns basegnan en mintga cas l'acconsentiment dal patrun e dal Cussegl da baselgia. Quai vala er per scolaziuns per las qualas i na vegn dumandà nagin sustegn finanziel da la baselgia chantunala (guarda 952, art. 4).
4. Per dumondas da consentiment d'ina scolaziun, d'in sabbatical u d'ina contribuziun or dal conto persunal per scolaziuns valan termins ch'èn determinads en il reglament. Sche quels termins na vegnan betg resguardads, na vegn il Cussegl da baselgia betg ad entrar sin las dumondas. Quai ha per consequenza ch'ina scolaziun na vegn p.ex betg consentida ed er betg subvenziunada. Il reglament fixescha ils termins als quals las dumondas han dad esser avant maun tar il Cussegl da baselgia:
 - a. dumonda da scolaziun: 10 emna avant che la scolaziun cumenza
 - b. dumonda per in contribuziun or dal conto persunal per scolaziuns: 30 dis suenter la finiziun da la scolaziun / supervisiun
 - c. dumonda da permetter in sabbatical: 6 mais avant il cumenzament dal sabbatical
5. Per supervisiuns n'èsi betg da far dumondas. Suenter la finiziun da la supervisiun po vegnir dumandà ina contribuziun or dal conto persunal da scolaziun. I valan ils termins numnads sut nr.4.
6. Las dumondas vegnan fatgas cun formulars ch'ins po clamar da la website da la baselgia chantunala: www.gr-

ref.ch/formulare. Ils formulars han da vegnir emplenids cun Microsoft Word. Tgi che vul scriver in formular a maun, po dumandar in tal formular tar il viceactuar: ruediger.doels@gr-ref.ch

7. Contribuziuns vi da scolaziuns annualas vegnan pajadas suenter avoir fatg ina dumonda correspundenta agiuntond ina conferma dal curs e quittanzas da las spesas. Nov vegnan pajads ils custs entirs (e betg be 60 pertschient sco fin qua) fin a la contribuziun maximala (952, Art. 7).
8. Suenter in sabbatical ston ins nov manar vinavant la lavur en la baselgia chantunala, e quai per ina perioda traidubla dal termin da desditga contractual en mais. Sch'in collavuratur na resguarda quai betg, sto el pajar enavos ina indemnizaziun che correspunda ad in salari mensil brutto. Excepziuns numna il reglament art. 20.
9. Reverendas che han da far part al trenament d'instrucziun na survegnan dapi l'onn 2015 nagin levgiament pli en furma da duas lecziuns instrucziun da religiun l'emna. Questa furmaziun capita entaifer ils diesch dis (252, art.9), resp. quindesch dis da lavur (principiants: 252, art.8) che stattan mintg'onn a disposiziun per quai.

19. Remplazzaments

Ils ultims onns avain nus duas giadas l'onn tramess a tut ils reverendas in questiuari, cura ed en tge maniera ch'els pudessan far remplazzaments. Las respostas ha l'administraziun a la Loëstrasse evaluà per pudair numnar personas, cur che plaivs tschertgavan remplazzants. Las

plaivs han dentant fitg rar fatg diever da questa pussibilità. Perquai na datti en avegnir betg pli tals questiunaris. La glista actuala pon ins clamar sin la website da la baselgia chantunala: www.gr-ref.ch/stellvertretungen

20. Chalender da las collectas 2015

Il Cussegl grond evangelic ha en sia sessiun dals 12 da november 2014 fixà las collectas per l'onn 2015. Il chalender da las collectas sco er infurmaziuns detagliadas tar las collectas pon ins clamar da la website da la baselgia chantunala: www.gr-ref.ch/kollekten

Il Cussegl da baselgia dumonda da far propostas per la collecta d'avust che vegn dumandada per in project u in'ovra ecclesiastica u sociala en il Grischun. Formulars da dumonda sin la website: www.gr-ref.ch/kollektengesuch

21. Giubileums

Las suprastanzas dals colloquis ed ils consistoris pon communitgar en il protocol colloquial giubileums da servetsch d'impiegad(a)s ecclesiastic(a)s e da collavuratur(a)s voluntar(a)s. Sco giubileums da servetsch van 20, 25 u 30 onns da servetsch.

Questas comunicaziuns pon vegnir aggiuntadas al protocol u er vegnir communitgadas separadamain ed en scrit al viceactuar dal Cussegl da baselgia: Rüdiger Döls (adressa en l'aggiunta). Giubilar e giubilaras survegnan sper la renconuschienscha da la plaiv u dal colloqui in document dal Cussegl da baselgia. Tgi che ha lavurà dapli

che 20 onns per ina plaiv e sa retina ussa, po er vegnir communitgà. Er el/la survegn in document.

Igl è indispensabel, che las communicaziuns cuntengan ils numms entirs e l'adressa precisa. Plinavant sto vegnir notada la funcziun ed ils onns precis dal servetsch.

22. Proceder tar pravendas vacantas

Sin la homepage da la baselgia chantunala www.gr-ref.ch/downloads chattan ins in feagl d'infurmaziun davart il proceder recumandà tar la tscherna d'in nov reverenda.

23. Sinoda 2015 en Bregaglia

La sinoda 2015 en Bregaglia cumenza la gievgia, ils 25 da zercladur / gün e va fin glindesdi, ils 29 da zercladur.

Proponent sinodal è rev. Hans-Peter Schreich, Valchava, cun il tema: «500 Jahre Evangelischer Kirchengesang in Graubünden / 500 onns chant da baselgia evangelic en il Grischun / 500 anni di canto evangelico nei Grigioni».

La pregia sinodala fa rev. Antonio Di Passa, Poschiavo.

24. Sessiuns dal Cussegl grond evangelic

- Mesemna, 03.06.2015 (suntermezdi), sala Cussegl grond
- Mesemna, 11.11.2015 (di entir), sala dal Cussegl grond

25. Sesidas dal Cussegl da baselgia

Il Cussegl da baselgia fa mintga mais ina sesida. Dumondas al Cussegl da baselgia duain ins communitgar silmain trais emnas avant la sesida respectiva a l'administraziun.

Termins da las sesidas 2015: 29 da schaner, 19 da favrer, 19 da mars, 16 d'avrigl, 21 da matg, 11 da zercladur, 9 da fanadur, 20 d'avust, 17 da settember, 22 d'october, 19 da november, 17 da december.

26. Termins dals colloquis da primavaira 2015

Colloqui I	Sur igl Uaul	18 da mars
Colloqui II	Schons-Avers-Val Rain-Mesauc	11 da mars
Colloqui III	Sut igl Uaul	18 da mars
Colloqui IV	Cuira	17 da mars
Colloqui V	Signuradi – Tschintg vitgs	8 d'avrigl
Colloqui VI	Scanvetg - Churwalden	11 da mars
Colloqui VII	Engiadin'Ota - Bregaglia - Poschiavo - Surses	25 da mars
Colloqui VIII	Engiadina Bassa - Val Müstair	18 da mars
Colloqui IX	Partenz	8 d'avrigl
Colloqui X	Tavau - Alvra	11 da mars

27. Termins dals colloquis d'atun

Nus supplitgain ils actuars e las actuaras da notar en il protocol ils termins dals colloquis d'atun 2015.

28. Spediziun dals protocols colloquials

La tschentada dal Cussegl da baselgia, nua ch'ils protocols dals colloquis vegnan evaluads, ha lieu en matg. Las actas respectivas vegnan tramessas en avrigl.


Nus essan cuntents sche Vus tramettais pli svelt pussibel ils protocols en furma electronica (sche pussibel sco datoteca word) al viceactuar dal Cussegl da baselgia, Rüdiger Döls (adressa en l'aggiunta).

Ils protocols sin palpieri incl. aggiuntas èsi da suttascriver e da trametter enfin ils 15 d'avrigl 2015 er al viceactuar dal Cussegl da baselgia.

Preavis: Ils protocols dals colloquis d'atun 2015 èsi d'inoltrar enfin ils 30 da settember 2015.

Cuira, en december 2014

Cussegl da baselgia chantunal



Andreas Thöny
president



Kurt Bosshard
actuar

Agiunta (adressas)

actuar dal Cussegl da baselgia

Pfr. Kurt Bosshard

Loëstrasse 60

7000 Chur

081 257 11 00

kirchenratsaktuar@gr-ref.ch

viceactuar dal Cussegl da baselgia

Pfr. Rüdiger Döls

Loëstrasse 60

7000 Chur

081 257 11 00

ruediger.doels@gr-ref.ch

post d'instrucziun da religiun

Pfrn. Ursula Schubert

Loëstrasse 60

7000 Chur

081 252 62 39

ursula.schubert@gr-ref.ch

Homepage da la baselgia chantunala

www.gr-ref.ch

Collecziun actuala da las leschas da la baselgia chantunala

www.gr-ref.ch/gesetzestexte